

Na osnovu člana 61. Statuta Kluba oldtimera „CLASSIC“, Travnik (dalje: Klub „CLASSIC“, Upravni odbor na sjednici održanoj dana 20.01.2018. godine donosi,

PRAVILNIK O NAGRADAMA I PRIZNANJIMA KLUBA OLDTIMER „CLASSIC“, TRAVNIK

I. Opće odredbe

Član 1.

Ovim Pravilnikom propisuje se postupak prijave i načina ocjenjivanja za najkvalitenije obnovljeno vozilo muzejske vrijednosti – oldtimer i najuspješnijeg člana u klubu za proteklu godinu.

Član 2.

Za najkvalitenije obnovljeno vozilo muzejske vrijednosti – oldtimer, najuspješnijeg člana u klubu za proteklu godinu dodjeljuju se četiri nagrade:

- a) jedna nagrada u kategoriji oldtimer automobila;
- b) jedna nagrada u kategoriji oldtimer motocikla.
- c) jedna nagrada za najuspješnijeg člana kluba u protekloj godini;
- d) jedna nagrada najaktivnijeg člana kluba u protekloj godini.

II. Raspisivanje konkursa

Član 3.

Klub „CLASSIC“ odlukom upravnog odbora tokom tekuće godine raspisuje konkurs za dodjelu godišnje nagrade za najkvalitetnije obnovljeno vozilo u idućoj godini.

Konkurs je otvoren tokom cijele godine, a prijedlozi se primaju najmanje trideset dana prije godišnje skupštine Kluba.

Potpredsjednik kluba je dužan pismeno obavijestiti članove o raspisivanju konkursa u roku najmanje osam dana od dana donošenja odluke o raspisivanju konkursa.

Na konkurs se mogu prijaviti samo članovi Kluba „CLASSIC“, koji prilože dokaz da su izmirene sve obaveze prema klubu.

Član 4.

Na prijavi za konkurs moraju biti tačno navedeni slijedeći uvjeti:

- Krajnji rok za prijavu;
- Prijava samo jednog oldtimer vozila;
- Za vozilo muzejske vrijednosti - oldtimer koje se prijavljuje mora biti naznačena, marka, model, tip, god. proizvodnje, broj šasije i broj motora;
- Vozilo muzejske vrijednosti - oldtimer koje se prijavljuje mora biti prikazano u neobnovljenom stanju sa slikama i CD složeno po redoslijedu obnavljanja
 - detaljno stanje vozila, karoserije, unutrašnjosti, mehanike prije početka obnove,
 - tok radova na karoseriji, unutrašnjosti, mehanici te,
 - završni radovi na karoseriji, unutrašnjosti, mehanici, pripremi i lakiranju, te konačni izgled vozila
- Uz prijavu na konkurs vlasnik obavezno prilaže elaborat sa fotografijama i CD *toka obnavljanja* oldtimer vozila sa svim detaljima iz kojeg se može zaključiti tok restauracije od početka pa do konačnog izgleda;
- Za najuspješnijeg i najaktivnijeg člana u klubu potrebno je dostaviti kratku biografiju i sadržaj aktivnosti u klubu koju je provodio u protekloj godini uz prikazane dokaze o aktivnostima.

III. Komisija za ocjenu uspješnosti obnovljenog oldtimer vozila i ocjenu aktivnosti u klubu

Član 5.

Komisiju za ocjenu uspješnosti obnovljenog vozila i aktivnosti u klubu imenuje Upravni odbor, a ona se sastoji od dva člana i predsjednika komisije.

Odluke Komisije pravovaljane su ako Komisija radi u punom sastavu.

U slučaju spriječenosti jednog od člana Komisije, predsjednik Kluba može imenovati ad-hock zamjenu.

IV. Postupak po zaključenju takmičenja

Član 6.

U roku 30 dana, a prije početka godišnje skupštine, Komisija iz član 5. zapisnički pregledava prijavljeni materijal i utvrđuje njihovo stanje. Uz zapisnik se prilaže foto elaborat.

Član 7.

Komisija iz član 5. u roku trideset dana zapisnički pregledava obnovljena vozila i uz priloženi fotoelaborat obnovljenih vozila u daljnjem roku od osam dana donosi ocjenu za svako obnovljeno vozilo i obavještava vlasnika obnovljenog vozila.

Također, Komisija prikuplja i zapisnički pregledava aktivnosti kandidiranog člana za nagradu, te vrši selekciju i ocjenjivanje kandidiranog člana.

Ocjena obnovljenog vozila i kandidiranog člana za nagradu je konačna i na nju nema reklamacije.

Član 8.

Ocjenjivanje obnovljenog oldtimer vozila obavlja se u skladu s općom politikom ocjenjivanja vozila muzejske vrijednosti - oldtimer prema članu 4. ovog Pravilnika .

Ocjenom 1 do 5 (s međuocjenom 0,5) ocjenjuju se slijedeći element - radovi i izgled :

- Karoserije
- Farbanje
- Mehanike
- Unutrašnjosti sa detaljima (samo za automobile)
- Vanjski detalji
- Stepem originalnosti prema osnovnom izgledu
- Opći dojam obnovljenog vozila

Naslov najbolje obnovljenog vozila za proteklu godinu dobiva vozilo koje skupi najveći broj bodova.

Član 9.

Za najuspješnijeg i najaktivnijeg člana kluba u protekloj godini prema članu 4. ovog Pravilnika ocjenom 1 do 5 (s međuocjenom 0,5) ocjenjuju se slijedeći element - uspješnost i aktivnost u klubu:

- Broj učestvovanja na oldtimer skupovima ili takmičenjima (relly),
- Primanje pohvala i nagrada (najorginalnija posada, najsčuvanije vozilo, ispiti spretnosti vožnje, uspješnost u relly takmičenju i dr.)
- Aktivno učestvovanje u organizaciji kluba (organizacija oldtimer skupa ili relly, organizacija i aktivnost u klubu i dr.)

V. Nagrade

Član 10.

Vlasnici nagrađenih vozila su dužni prikazati vozila Komisiji prije dodjele nagrada.

Vlasnici najbolje obnovljenih vozila iz kategorije oldtimer motocikla, kategorije oldtimer automobila, najuspješnijeg člana kluba i najaktivnijeg člana kluba u protekloj godini nagrađuju se :

- 🏆 plaketom ili priznanjem
- 🏆 novčanom nagradom u iznosu koji odredi Upravni odbor kluba (ukoliko klub posjeduje novčana sredstva) i
- 🏆 počasnim članom (isti narednoj godini ne plaća članarinu kluba „CLASSIC“)

Nagrade se uručuju na godišnjoj Skupštini Kluba „CLASSIC“.



KLUB OLDTIMER „CLASSIC“, TRAVNIK

Adresa: ŠAĆIRA BEKTIĆA BB, 72270 TRAVNIK, www.oldtimer-classic-travnik.com
email: oldtimer.extra@gmail.com, Identifikacijski broj: 4236497640006
Union Banka Transakcijski račun broj: 1027130000000782

VI. Završne odredbe

Član 10.

Upravni odbor može mijenjati odredbe ovog Pravilnika samo u vremenu između dva konkursa.

U slučaju zloupotrebe od strane takmičara, istom se oduzima pravo takmičenja za period od narednih dvije godine.

Član 11.

Pravilnik stupa na snagu danom donošenja.

U Travniku, 04.03.2018. godine
Broj: 07-05-007-1/18

KLUB OLDTIMER „CLASSIC“, TRAVNIK

**Predsjednik:
Mario Marinčić**
